

سپوتر ووهاري رُوت



پوټر شاستر سين ليټل سچي وارتا

ڊاٽڪي ٻولي ۾

سوال

- (1) اليملك كي ري ڪري آپ ري آکا سُڌو ٻيجي مُلڪ گيو؟
- (2) اليملك ري ڏڪران ڪهي قوم ري ننگريان سين وينهان ڪريو؟
- (3) رُوت ڪهي قوم ري هتي؟
- (4) رُوت آپ ري ساسو ري ڪهيڙي شيوا ڪري تي؟
- (5) رُوت نا ڪي ري ڪري سڀوتر ووهاري ڪهيو جائي تو؟
- (6) رُوت ڪي رو ڀلو اوڍيو؟

فهرست

پنو نمبر	مضمون	نمبر
1	اليملك رو آپ ري آکا سُڌو موآب ري مُلڪ جاڻ	1
4	بيت الحم شهر سين رُوت نا پيڙي لي نعومي رو پڇو آڻ.	2
10	رُوت تي بوعز ري ديا	3
17	رُوت رو بوعز نا ڀلو اوڍڻ ري وينتي ڪرڻ	4
22	بوعز رو رُوت نا ڀلو اوڍاڻ	5

سپوتر ووهاري روت

اليملك رو آپ ري آکا سُدو موآب ري مُلك جان

اي اوٲان ڏينهان ري وات آهي، جڏهين اسرائيل مُلك ۾ ڪوئي بادشاه ڪو هتو آن اُت هيڪ سردار سجي قوم را فيصللا ڪرتو. اوٲان ڏينهان ۾ اوئي مُلك ۾ ڏڪار پيو. اُت يهودا ري علائقي ري بيت الحم شهر ۾ اليملك نون رو هيڪ ماڙهو راهتو، جڪي را ٻه ڏڪرا هتا.

هيڪي رو نون ڪليون آن پيجي رو نون محلون هتو. اليملك ري ڏوسي رو نون نعومي هتو، آن او افراتي گهراڻي را هتا.



عوبيد يسي رو ٻاپ هتو آن يسي سين دائود بادشاه ٿيو. بوعز ري پيڙهي اوئي ري ڏاڏي فارص سين لي دائود بادشاه تائين. فارص را اولاد اي آهي:

فارص سين حصرون ٿيو.

حصرون سين راما ٿيو.

راما سين عمينداب ٿيو.

عمينداب سين نحسون ٿيو.

نحسون سين سلمون ٿيو.


سلمون سين بوعز ٿيو.

بوعز سين عوبيد ٿيو.

عوبيد سين يسي ٿيو.

آن يسي سين دائود بادشاه پيدا ٿيو.

پڇي اين ٿيو ته، ڏڪار ري ڪري ايمَلڪ آڀ ري آکا سڌو لڏي
موآب ري مُلڪ ۾ جائي ڌاريان ري جين رهڻ لڳو.



اُوئي سين پڇي نعوَمي رو ڌڻي ايمَلڪ گذاري گيو آن پڇي اوئي
ري آکا ۾ ترن جيئا جائي بچيا.



اُوئي سين پڇي مُبارڪ ڏيڻ واريان پاڙي ريان ڏوسيان اُوئي ننڍي
ٻارڙئي رو نُون عوبيد رکيو، جڪي رو مطلب آهي خدمت گار آن پڇي
اُوڻان اي وات مشهور ڪري ته، نعوَمي سارون هيڪ ڏڪرو جائو
آهي.

تڏهين اٿلين لوگائين آئين، نعومي نا مبارڪ ڏني ته، ”ايشور ري واکاڻ هوئي، جڪي اوهان نا پوترو ڏنو آهي، ايئي ري ڪري ته جين او اوهان نا سنپالي. ايشور ايئي نا اسرائيل قوم ۾ نالي وارو ناھي. اوهان ري ووهاري اوهانجي گهڻي شيوا چاڪري ڪري تي، آن اوئي ست ڏڪران سين وڌيڪ اوهانجي شيوا ڪري آهي. آن اج اوهان نا هيڪ پوترو پڻ ڏنو آهي، جڪو اوهانجي پيري ۾ شيوا ڪري آن سنپالسي.“ پڇي نعومي اوئي چوڪريئي نا ڪوڙي ليو آن اوئي نا سنپالڻ لڳي.



پڇي نعومي ري پيٽان ڏڪران موآبي قوم ريٿان نينگريان سين وينهان ڪريو، اوٿان ۾ هيڪي روئون عرفا آن پيڇي روئون روت هتو. ڪليون عرفا سين آن محلون روت سين وينهان ڪريو.



پڇي موآب ملڪ ۾ آن سين تقريبن ڏسان سالان سين پڇي او ٻئي چوڪرا پڻ گذاري ڪيا. پڇي نعومي آڀري ووهاريان پيڙي هيڪلي رهي ڪئي، ڪي ته نعومي رو ڏئي اليملڪ موهر ئي گذاري ڪيو تو آن اوئي سين پڇي اوئي را ٻئي ڏڪرا پڻ گذاري ڪيا.

ايهڙي نموني بوعز رُوت نا ڀلو اويديو.



پڇي بوعز آپ ري لوگائي رُوت وت گيو آن ايشور ري ديا سين
او پيت سين ٿئي آن اُئي رو ڏکرو جائو.



بيت الحم شهر سين رُوت نا پيڙي لي نعومي رو پڇو آڻ.
اُئي سين پڇي نعومي سنڀريو ته، ”هي اسرائيل مُلڪ ۾ ڏڪار
ڪو آهي، پڻ ايشور اُئي مُلڪ تي ديا ري نظر ڪري آهي.“ تڏهين
اُئي اي ارادو ڪريو ته، ”هي هون آپ ري ووهاريان سميت آپ ري
علائقي يهودا سمهون پڇي وڙي جائيس. پڇي او ترن ئي جائين اُئي
گان سين روانين ٿين، آن جڏهين ڪينهڪ اگهين گين،



تڏهين نعومي آپ ريان ووهاريان نا ڪهيو ته، ”جيهڙي نموني اوهان
مانهجي مريهاتان ڏڪران ري آن مانهجي تمام گهڻي شيوا ڪري
آهي، اين ايشور اوهانجي مدد ڪري! پڻ هي اوهين آپ ري مائيتران
وَت پڇين وڙي جائو. ايشور ڪري ته، اوهانجا ما باپ اوهان سارون
سُنا گهر جوئي، آن اوهين آڀرو گهر وسائو آن سُڪي رهو.“

پڇي نعو مي آپ ريان بيان ووهاريان نا پانكران گتي آن او اوچينگارن
ڏي روڻ لڳي.

تڏهين عرفا آن روت ڪهيو ته، ”آسين آپ ري ما پاپ وٽ پڇي
وڙي ڪو جائون، پڻ اوهان پيرين هلسان آن اوهان ري ماڙهوٿان ۾
راهسان.“

تڏهين نعو مي ڪهيو ته، ”نان ڏڪرين، اوهين پڇين وڙو. اوهين
ڪي ري ڪري مين پيرين تين هلو؟ ڪي هي ايئي عمر ۾ هون ڪو
وڙي ڏڪرا جڻيس، ڪو اوهان را ڏئي ٿيسي؟

نان نان، ڏڪرين! اوهين پڇين وڙي جائو. هون هي پيرسن ٿي
گئي انهان، آن هي هون ڪوئي ڏئي ڪو ڪران. پڻ جي هون اين
ڪران، آن ڏڪرا ٿي،

تو ڪي، اوهين اوٿان ري وڌان ٿيڻ ري وات جوسو؟ آن اتي تائين
ڪوئي بيجو ڏئي ڪو ڪرو؟ نان، ڏڪرين! اين ڪو ٿي، ڪي ته منا
اوهان تي ديا تي آئي، اسين ترن ئي رنڌولان آهان، پڻ اوهانجي عمر
آهي مانهجو ڪي آهي؟ اونهي ايشور مين سين اروت آهي.“

آن محلون ري رنڌول ڏوسي روت موآبي نا پلو اوڍائون تو، ايئي
ري ڪري ته، محلون ري پيڙهي هلتري رهي، آن اوئي ري بني ڌاريان
نان لي جائی. اوهين سجائي آج ايئي وات را شاهد آهو.“
تڏهين سجان ماڙهوٿان ڪو اُٿ هتا آن پنچات واران ڪهيو ته،
”اسين ايٿان واتيان را شاهد آهان،

ايشور ڪري ته، او ڏوسي روت، ڪي نا اوهين پلو اوڍاسو،
اوئي نا جام برڪت جوڙي آن اوئي ري آکا وڌي.
جين آسان ري ڏاڏيان راخل آن ليا نا برڪت جڙي
ڪي سين اسان جي اسرائيلي قوم پيدا ٿي.
ايشور ڪري ته، تون اسان جي افراتي قوم ۾ مشهور ٿين
آن بيت لحم شهر ۾ تاهجو نون هوئي.

آن ڪو اولاد تين سين ٿي اوٿان نا ايهڙي عزت آن مان جڙي.
جين آسان ري ڏاڏي يهودا آن ڏاڏي تمر ري ڏڪري فارص ري آکا نا
جڙي.“



پڇي وڙي هيڪي پڇي نا پانڪران گتي روڻ لگين- پڇي عرفا
 تو موڪلائي پڇي وڙي گئي پڻ روت آپ ري ساسو رو ساڻ ڪو
 چڏيو- تڏهين نعومي روت سين ڪهيو ته، ”جو پڇا! تاهجي جيناڻي
 آپ ري قوم آن آپ ري ڏيوان وٽ پڇي جائي پئي- تون پڻ ايئي پيڙي
 پڇي وڙي جا-“ تڏهين روت ڪهيو ته، ”منا پڇي مان ميلهو، پڻ
 آپ پيڙي رهڻ ڏيو- جت اوهين جاسو، اُت هون پڻ هليس، آن جت
 اوهين رهسو اُت هون پڻ رهيس آن اوهانجي قوم مانهجي قوم
 ٿيسي، آن جڪو اوهانجو ايشور هوسي اوهيچ مانهجو ايشور هوسي-



پڇي اوئي ماڙهو بوعز نا ڪهيو ته، ”اي بني اوهين پلين ناڻي
 سين ليو-“ تڏهين اوئي ماڙهو آپ ري جتي اوتاري بوعز نا ڏني-
 پڇي بوعز اوئي پنچات وازان آن سجان ماڙهوٿان ري روبرو
 ڪهيو ته، ”اوهين شاهد آهو ته، اي بني نعومي سين اوئي ري گهر
 واري اليمڪ آن اوئي ري ڏڪران ڪليون آن محلون ري سجي بني
 مين ناڻي سين لئي ري آهي-

بيسار سو، ته جيئن جي روت نا ڏکرو ڄاڻي تو روت سين موهر او ٻني
 اوئي چوڪري نا جوڙي ان اليمڪ ري پيڙهي هلي رهي.“
 تڏهين اوئي ڪهيو ته، ”اين تو هون ڪو ڪران، ڪي ته جي مين
 اين ڪريو، تو مانهجي ملڪت سين مانهجي اولاد نا گهت حصو
 جڙسي. ايئي ري ڪري پلين اوهين ليو.“
 اوئي وقت اسرائيل ملڪ ۾ اي رواج هتو ته ڪو ماڙهو آپ ري
 ٻني ويچتو او آپ ري جتي اُتاري ٻني لين وازان نا ڏيتو. اين ڪرڻ
 سين ماڙهو سمجهي جاتا ته، زبان پڪي ٿي گئي آهي، ان جڪي
 ماڙهو رو زمين لين رو پهيلڪو حق ٿيتو او آپ رو حق پيجان نا ڏيتو،
 اوئي نا پڻ آهي ڪرڻو پڙتو.

ان هون ايشور رو قسم کائي وڃن تي ڪران ته، جتي تائين اوهين
 جيتا آهو اُتي تائين هون اوهان پيري رهيس. ان جت اوهان نا زمين
 داخل ڪرسي اُت هون پڻ ٻوري جائيس. ان جي هون اي وڃن پورو
 نان ڪران تو ايشور منا گهڻي سخت سزا ڏي.“
 پڇي نعو مي سمجهي گئي ته، روت مانهجو پاسو ڪو ڇڏي،
 تڏهين اوئي ڪئين ڪو ڪهيو.
 پڇي او پنڌ ڪرتين ڪرتين نيٺ، بيت لحم شهر ۾ پڇي گين.
 جڏهين نعو مي گهڻان سالان سين پڇي آپ ري ووهاري پيري شهر ۾
 آئي، تڏهين گهڻا ماڙهو حيران ٿي ڪيا. ان شهر رين لڳائين آت ۾
 ڪيئن لگين ته، ”ڪي اي سچائين نعو مي آهي؟“



بوعز رو رُوت نا پلو اويڊاڻ

اُوئي ڏينھن بوعز شهر ري وڏي دروازي وٽ جائي پيٺو، جڏ
پنچات وارا فيصلو ڪرڻا. پڇي جي وارث ري باري ۾ بوعز ڪهيو
تو او ماڙهو اُوئي آتو ڏٺو. تڏهين بوعز اُوئي سين وات وِگت ڪرڻ
سارون اُوئي نا سڏ ڪريو آن آپ وٽ پيساريو.

پڇي بوعز شهر ري ڏسان پٽيلان نا پڻ منگيا آن اُوٿان نا اُت
پيساريا.

پڇي اُوئي ماڙهو نا ڪهيو ته، ”آسان ري عزيز اليمڪ ري
گهرواري نعو مي موآب ملڪ سين وڙي پڇي آئي آهي آن اليمڪ ري
بني ويڇي تي. مين دل ۾ خيال ڪريو ته، موهر اوهان سين وات
وِگت ڪران، ڪي ته مين سين وڌيڪ نيڙيا اوهين اُوٿان را وارث آهو.
ايئي ري ڪري جي تن او زمين ليئي آهي، ته اج پنچات واران آن
سجان ماڙهوٿان ري روبرو ويڇاتي ليو، جي نان تو پڇي هون ليٿان.“
تڏهين اُوئي ماڙهو ڪهيو ته، ”نيڪ آهي هون ناڻي سين او بني
ليان تو.“

پڇي بوعز اُوئي نا ڪهيو ته، ”نيڪ آهي، جي اوهان نا او زمين ليئي
آهي تو نعو مي ري موآبي ووهاري رُوت نا پڻ پلو اويڊائي گهر ۾

تڏهين نعو مي اُوٿان نا ڪهيانتي ته، ”منا نعو مي نا ڪهو، ڪي
ته ايئي رو مطلب آهي ’پاگوازي‘. پڻ ايشور جي ۾ تمام گهڻي
طاقت آهي. اُوئي منا گهڻا ڏک ڏنا آهي، ايئي ري ڪري منا نياڳي
ڪهو.



جڏهين هون اها سين گئي تي اُوئي ٿاڻي هون گهڻي سُڪي هتي،
پڻ ايشور منا ڏکي ڪري اِت لي آيو آهي. توئي پڻ اوهين ڪي ري
ڪري منا نعو مي ڪهو تين، جڏهين ته ايشور مين سين ڪاوڙجي گيو
آهي آن منا گهڻا ڏک ڏنا آهي؟“



آیهڙي نموني نعومي آپ ري مواڻي ووهاري پيڙي مواڻ ملڪ
سين پڇي وڙي بيت لحم شهر ۾ آئي. اُوئي وقت جوو ري فصل رو
لابارو شروع ٿيو تو.

رُوت تي بوعز ري ديا

اُوئي شهر ۾ هيڪ شاهوڪار ماڙهو راهتو، آن او نالي واڙو هتو.
او نعومي ري ڌڻي اليمڪ رو عزيز هتو آن افراتي گهرائي رو هتو.
اُوئي رو نون بوعز هتو.

پڇي هيڪ ڏينھ روت آپ ري ساسو نعومي نا ڪهيو ته،
”ٻائيڇي مڻا موڪل ڏيو، ته هون ٻني ۾ چوندو ڪرڻ جائو، تي
سگهي تو ته، ڪهي نا مين تي ديا آئي، آن او مڻا آپ ري ٻني ۾
چوندو ڪرڻ ڏي.“



تڏهين نعومي ڪهيو ته، ”نيڪ آهي ڏڪري، پلي جا.“
تڏهين او ٻني ۾ گئي، آن جوو رو لبارو ڪرڻ واران ري وانسي جت
جت گڏا ٻنڌل هتا، او اُت چوندو ڪرڻ لڳي. آن او ٻني بوعز ري
هتي.

جڏهين او گهري آئي تڏهين روت ري ساسو اُوئي سين پڇيو ته،
”تون آئي ڏڪري! سنڀرا بوعز سين ٽنا ڪيڙي وڙتي جڙي.“
پڇي روت او سڄي وات ڪري سنڀرائي، آن ڪهيو ته، ”بوعز
مڻا اوهان وٽ ٺهي هتي ڪو ميلهي، پڻ جوو ري ڏان را ڇه سوڀڙا
پري ڏنا آهي.“

تڏهين اُوئي ري ساسو ڪهيو ته، ”ٻچا! هي تون گنتي مان ڪر
پڻ اسين اُوئي ري وات جوسان ته، آج ڪي ٿيسي؟ ڪي ته بوعز
ايهڙو ماڙهو آهي ته، جتي تائين او آڀرو ڪم جڪو اُوئي ڏسيو آهي،
او پورو ڪونهين ڪري، اوتي تائين او ماڻ ڪري ڪو ٻيسي.“



اُوئي تائي بوعز شهر سين جڏهين آپ ري فصل نا جوڻ سارون آيو، تڏهين لبارو ڪرڻ وازان سين خبرچار لي ڪهيو ته، ”ايشور اوهان ري مدد ڪري!“

تڏهين اوهان ڪهيو ته، ”ايشور اوهان نا پڻ برڪت ڏي!“
پڇي بوعز لبارو ڪرڻ وازان لاهياران ري جماندار سين پڇيو ته،
”او ڏوسي ڪوڻ آهي؟“
تڏهين اُوئي ڪهيو ته، ”او موآبي ڏوسي آهي، جڪو موآب ملڪ سين نعو مي پيري آئي آهي.“



ساکرو ايئي لبارو ڪرڻ وازان وانسي ٻنڌل گڏان ري وچا چوندو ڪرڻ ري موڪل منگي تي. اُوئي تائي سين لي آجا تائين ايئي ٻني ۾ چوندو ڪري پئي. او رگو هيڪي دفعا قونڪارو ڪاڻ سارون پونگري ري چانه ۾ گئي تي.“

پڇي روت جائي اُوئي ري پگانتيئي سوئي رهي، آن وڏي اسور رو ائي جڏهين ايجان انڌارو هتو جڪي ۾ ڪوئي ڪي نا صحيح نموني اوڙڪي ڪوتي سگهيو. اُوئي تائي بوعز اي وات سوچتو تو ته ڪهي ماڙهو نا اي خبر نان پڙي ته، ڪري ۾ رات ڪوئي لوگائي آئي، رهي تي.

روت ري جاڻ ري تائي بوعز اُوئي نا ڪهيو ته، ”تون آپ ري چٽري اٿ وڃا.“ تڏهين اُوئي جوو ري ڏان را ڇه سوڀڙا پري اُوئي چٽري تي رکيا آن روت او ڪئي گهري آئي.



پڇي بوعز رُوت نا پریم سین کھیو ته،



”سنڀر ڏکري! آڄ سین لی تون پیجي کھی ری ٻني ۾ چوندو
گرڻ مٿان جائي پڻ مانهجي نوکرائيان پيڙي جائي مانهجي ٻني ۾
چوندو کري. جٽ جٽ مانهجا نوکر لاٻارو کري پيا اُت مانهجي
نوکران وانسي وانسي جائي چوندو کري، مين آپ ري ماڙهوٿان نا
سمجهايا آهي ته، او تاهجو نون ڪو لي آن جڏهين تڻا ترس لڳي
تڏهين تون پلين ايٿان ري گهڙي سين پاڻي پيئي.“

تڏهين رُوت اُوئي ري پڳي پئي کھیو ته، ”هون تو ڌارباڻي
آهان، توئي اوهين مين تي ڪي ري کري اتو رحم ڪرو تا؟“ تڏهين
بوعز کھیو ته، ”منا خبر آهي ته، تين آپ ري پتي گڏاري جاڻ سين
پڇي پڻ آپ ري ساسو ري ڪتي شيوا کري آهي

تڏهين اُوئي کھیو، ”هون آهان جي نوکرياڻي رُوت آهان. اوهين
مانهجي ڏئي را نيڙا عزيز آهو، آن اسانجا وارث آهو. ايئي ري کري
آپني رواج ري جين اوهين منا پلو اوڍائي آپ ري گهر ۾ پيساڙو.“
تڏهين بوعز کھیو ته، ”ايشور تڻا سورهي سڪي رکي. آڄ تائين تين
جتي تاهجي ساسو ري شيوا چاڪري ڪري آهي، اي تين تمام سُنو
ڪم ڪريو آهي. پڻ جڪو آڄ تين مين مٿي مهرباني ڪري آهي، اي
اُوئي سين پڻ وڏي وات آهي. ڪي ته تون آپ ري مرضي سين کھی
امير يا غريب جواڻ جماڻ ماڙهو رو گهر منڍي سگهي ٿي، پڻ تين
اين ڪو ڪريو. ايئي ري کري هي تون ٻيهاج مان، ڪي ته شهر ري
سجان ماڙهوٿان نا خبر آهي ته تون سني آن نيڪ نيت لوگائي آهين.
ايئي ري کري جين تون کھيس هون ڪرڻ سارون تيار آهان.
اي صحيح آهي ته هون اوهانجو نيڙو وارث آهان پڻ مين سين وڌيڪ
نيڙو اوهانجو وارث اڃان پيجو آهي.“

تون ڏينه اڳ تائين پلين اُت ريه هون ساري جائي اُوئي ماڙهو
نا پڇيس ته، ڪي او تين سين پلو اوڍسي يا نان؟ جي اُوئي هوئي
ڪريو تو نيڪ، نتاڻي هون ايشور رو قسم کائي ڪهان تو ته، هون تڻا
پلو اوڍائي گهر ۾ پيساڙيس. هيٿان تون پلين سوئي راها.“

آن تين آپ ري ما پاپ آن آپ رو وطن چڙي اسانجي ماڙهوٿان ۾
 آئي آهي، آن اسانجي ڌرم نا قبول ڪري ايشور مٿي پروسو ڪريو
 آهي. هي ايشور تينا ايئي ڪم رو ڦل ڏي آن سڪي رڪي.“
 تڏهين اُئي ڪهيو ته، ”سائين، هون تو اوهان ري نوڪري پڻ ڪو
 آهان، توئي پڻ مين مٿي اتي ديا ڪري آهي. اي تو اوهان ري
 مهرباني آهي.“ تڏهين پيپاران ري ٿاڻي بوعز روت نا ڪهيو ته،
 ”اِرهِي آڏڪري، انگوران ري ڪٿري رس سين روتي ڪا.“ تڏهين
 لاٻارو ڪرڻ واڙان لاهياران پيڙي روتي ڪاڻ سارون گئي،



تڏهين روت آپ ري ساسو نا ڪهيو ته، ”جين اوهين ڪهسو
 اوهيج هون ڪريس.“ پڇي او ڪري تي گئي، آن جين اُئي ري ساسو
 ڪهيو تو اوهيج اُئي ڪريو. جڏهين بوعز روتي ڪاڻي ڌراپيو، تڏهين
 او ڏاٿان ري ڪوڙي ري پاسي ۾ جائِي سوئي رهيو. اُئي سين پڇي
 روت آهستي آهستي آئي اُئي ري پگان سين رلي پرهِي ڪري آپ
 اُوي پگانتي سوئي رهي، آن اُئي ري جاڳڻ رو انتظار ڪرڻ لڳي.
 پڇي آڏي رات رو بوعز چرڪ پري اُئي پينو آن ايها اُوها جوڻ لڳو.
 ڪي جوئي! تو پگانتي ري پاسي هيڪ لڳائي ستي پئي آهي.
 بوعز پڇيو ته، ”تون ڪوڻ آهين؟“



رُوت رو بوعز نا پَلو اوڊن ري وينتي ڪرڻ

هڪ ڏينھن نعومي آپ ري ووھاري رُوت نا ڪھيو تہ، ”مانھجي مرضي آھي تہ تون سُڪي رھي، ايئي ري ڪري جي ڪو ايھڙو ماڙھو ھوئي جڪو تِنا سُڪي رکي، تو ايئي ۾ تاهجي پلائي آھي۔

تِنا تو خبر آھي نان؟ تہ، بوعز جڪي ري نوڪرياڻيان پيڙي تون چُونڊو ڪرڻ جاتي، او ماڙھو آپئي ساسران منھينلو آھي آن اسانجو وارث پڻ آھي۔ ايئي ري ڪري ھي ھون جين تِنا ڪھان اين آپئي ريت ري جين ڪر۔ ھي تاهجي سُوگ را ڏينھ پُورا ٿيا ايئي ري ڪري ھي جھلي، مٿو ڏوئي، سَنا گيا پيھري، سنپري تيار ٿي۔ بوعز آج رات رو ڪرو آپڻ جاسي۔ تون اُت جا۔ پڻ جتي تائين او روتي پاڻي ڪائي پئي نان لي اتي تائين تون اُوئي نا ڏيکارو مٽي ڏئي۔

پڻ تون اُوئي رو خيال رکي تہ او ڪٿ تو اونگھاجي، پڇي تون اُت جائي آن اُوئي ري پگان سين رلي پري ڪري آن تون آپ اوڍي آن اُوئي ري پگانتيئي سُوئي رھي۔ پڇي تون اُوئي ري جاگڻ ري وات جوئي۔ جڏھن او جاگسي، تڏھن او سمجھي جاسي تہ، تون اُوئي رو پلو اوڍڻ چاھي تي۔ آن پڇي او تِنا سنپراسي تہ تِنا ڪي ڪرڻو آھي۔

بوعز اُوئي نا سيڪل ڏاڻيا پڻ ڏنا۔ آن او ڏاڻيا آن روتي ڪائي ڌراپي۔ آن ڪينھڪ ڏاڻيا بچائي رکيا۔

پڇي وڙي چُونڊو ڪرڻ لڳي، تڏھن بوعز آپ ري نوڪران نا ڪھيو تہ، ”جي اي موآبي ڏوسي جووان ري گڏا ري وچا چُونڊو ڪري توئي اُوئي نا چُونڊو ڪرڻ ڏيا



آن جڏھن اُوھين گڏا ٻنڌو، تڏھن گڏان سين ڪينھڪ سِرا اُوئي سارون چڏتا جايا تہ پلين او گھڻو چُونڊو ڪري جائي اُوئي نا ڪئين متان ڪھيا۔“

پڇي سانج تائين اُت اُوئي چُونڊو ڪريو، آن جڏھن چُونڊي نا ڪُٽي آپيو تڏھن اڌ ايڪ مڻ جتا ڏاڻا ٿيا۔

نعومي آپ ري ووهاري روت نا كهيو ته، ”ايشور اويي نا
بركت ڏي، جڪي ري ڪري ايشور اسان تي ديا ڪري آهي. آن
اسانجي ڌيان ري لڄ رڪي آهي آن بوعز تو اوني اڻو وارث آهي.“
تڏهين روت كهيو ته، ”اويي تو منا كهيو آهي ته، جتي تائين لبارو
هلتو رهي اتي تائين تون لاهياران ري وانسي وانسي چوندو ڪرتي
رهي.“

تڏهين نعومي كهيو ته، ”نڪ آهي ڏڪري، تون اويي ري
نوڪرياڻيان پيري سوارو ڪري چوندو ڪرڻ جائي، ايئي ري ڪري ته
ڪوئي تاهجو نون نان لي.“

پجي جتان ڏينهان تائين جوو آن ڪڪ رو لبارو هليو، اتي تائين
روت بوعز ري نوڪرياڻيان پيري چوندو ڪرڻ سارون جاتي رهي آن او
آپ ري ساسو پيري راهتي.



او ڏاڻا لي گهري آپ ري ساسو نا ڏنا، آن پپاران را بچايل ڏاڻا پڻ
ڏنا. تڏهين اويي ري ساسو حيران ٿي كهياڻي ته، ”تين ڪي ري
بني ۾ چوندو ڪريو آهي؟ ايشور اويي نا برڪت ڏي جڪي تين تي
اتي ديا ڪري آهي.“

تڏهين روت كهيو ته، ”جڪي ماڙهو ري بني ۾ مين چوندو
ڪريو تو، اويي رو نون بوعز آهي.“